

22/5/2006

(2006年博彩稅(修訂)條例草案)立法會審議委員會會議  
(五月二十四日)

王登平先生講辭

各位女士、各位先生，我係王登平，今日我嚟呢度，係想同大家講吓一個係賽馬行業做咗幾十年嘅人嘅心聲。

香港跑馬已經跑咗一百幾十年，呢個行業養活咗好多人，就講我自己，我阿爸同好多世叔伯，都係響馬房做事，我本人自細係馬房長大，由馬伕做起，然後做騎馬人，再到副練馬師，最後成為練馬師，一共做咗五十年。用我地行內說話，我嘅仔女都係食馬飯長大嘅。而馬圈裡面，有好多好似我咁樣嘅家庭。

香港只係一個小小嘅地方，但香港賽馬嘅成就，令到世界各地嘅同業都好羨慕，單係舊年，香港就有兩隻馬做咗世界馬王，一隻短途馬王(精英大師)，一隻中長途馬王(爪皇凌雨)。一個咁細嘅地方，出咗兩隻世界馬王，絕對唔容易，為香港帶來好大嘅榮譽。

賽馬圈退休之後，我轉做評馬人，主要亦係因為對呢個行業有好深嘅感情，希望繼續為呢個行業做一啲力所能及嘅事。

但係，近年賽馬投注額持續下跌，見到咁嘅情況，我都好心驚。今時今日，仲有許多人係靠馬圈呢份工來養家，如果賽馬繼續係咁衰退，對許多人同佢地嘅家庭都會有好大影響，而且呢個行業嘅工作比較特殊，一旦失業，唔容易轉行。

所以，我贊成改革博彩稅制。唔改稅制，我敢話投注額只會一路跌落去。當然，唔係話一改咗稅制就即刻乜都掂，馬會其他乜都唔使做，但改咗稅制可以更有效咁打擊非法外國，至少可以幫賽馬行業帶來一線生機。

馬會應承改革博彩稅制後包底八十億稅，講老實話，我駁馬會擔心，以近幾年投注額嘅走勢來睇，馬會包底八十億可以話好慷慨，我個人睇法，改咗博彩稅制後，跑馬投注額如果能夠維持現狀而唔再跌，就已經還得神落！

我唔認為改革博彩稅制會助長賭風，其實無論乜嘢稅制，賭馬都係豐儉由人，十蚊又得，一百幾十又得，最緊要係當作一種娛樂，量力而為，千祈咪諗住靠賭可以發達。我嘅仔女自細接觸跑馬，但佢地並不好賭，以個人經驗，關鍵係做父母

嘅點樣教育D仔女。

今日我要講嘅就係咁多，多謝大家俾機會我發表意見！

王登平

25/5/2006.